



## Universitätsbibliothek Paderborn

### Praxis Episcopalis

In Qva Episcoporum Non Tantvm, Eorumqve Vicariorum munus; sed  
Parochorum etiam & conscientiarum directorium concernentium casuum  
ac dubiorum indies occurrentium Resolvtiones ... quàm brevissimè  
continentur

**Zerola, Tommaso**

**Coloniae Agrippinae, 1680**

Compromissum.

**urn:nbn:de:hbz:466:1-10447**

vel minoribus, qui mutilavit vel occidit aliquem ex quo effectus est irregularis, amittat privilegium utrumque? videtur quòd sic, quia effectus est jam inhabilis pro Ecclesia, & ita tenet Afflic. *in const. Apostatantes*, & citat Imolam pro sua sententia: ego verò sentio oppositum, quia clericus homicida non amittit ipso jure privilegium, vel beneficium si quod habet, sed venit privandus per sententiam, immò Episcopus potest cum eo dispensare, ut illud retineat, nec valet ratio, quia est irregularis, & sic inhabilis & incapax, & per consequens ipso jure privatus utroque privilegio, quia potest deservire Ecclesie in aliis functionibus, nisi sit homicidium qualificatum, prout in assassinio dictum est.

Septimò, Clericus in minoribus bigamus, vel verè vel interpretativè perdit omni privilegium, & potest per laicum castigari, *tex. Gl. & Gem. in c. unico, vers. quidam, de bigam. lib. 6.* ita quòd potest sic salvari, dictum Afflic. *in dicta const.* constitutus verò in Sacris retinet utrumque privilegium, ratio est, quam videas ibi.

#### COADJUTOR.

Primò, coadjutor primùm dandus est Episcopo propter senectutem, ægritudinem, amentiam. *Conc. Trid. sess. 25. c. 9. de refor. c. unico, de cler. ægror. lib. 6.* & quando datur Episcopo, vide de ejus potestate, & qualitatibus, *Syl. q. 4. par. 2.*

Secundò, Archidiacono propter easdem causas.

Tertio, parcho propter easdem causas, & propter insufficientiam, *Conc. Trid. sess. 21. c. 6. de reform.*

Quartò, an coadjutor Archiepiscopi, etiam cum futura successione, possit uti pallio, dic quòd non, ratio datur quia nondum est Archiepiscopus. similiter an possit uti benedictione Episcopali, dic quòd sic, si est Episcopus in absentia Archiepiscopi, vel præsens, & eo abnuente, similiter an uti mozetam. dic quòd sic absente Archiepiscopo, quia jam est prælatus, & in sua dioecesi, & provincia, vide *Nav conf. si. de cler. ægror.* sed potest sedere in sede Archiepiscopi, si nec consuetudo, nec statutum loci contradicit eo absente in choro.

Quintò an habeat generalem & liberam potestatem, *tex. in c. grandi, & ibi gl. in ver.* videtur dicere, quòd sic, & ita *Gem. ibi vers. quero an, de suppl. negl. præl. lib. 6.*

Sextò, Coadjutor potest dari omnibus prælatis propter longam inhabilitatem, *Gem. in c. si. ver. & per prædicta eo. tit. & lib.*

#### COMPROMISSUM.

Primò, compromissum, quamvis non transeat ad successores, neque ad hæredes, *c. si. de arb.* tamen compromissum à prælato, super rebus Ecclesie ipsius, etiam non factà mentione successoris, etiam si factum sit nomine proprio prælati expressò, etiam si fiat inter rem Ecclesie, & privatum, transit ad successorem, *ca. presentia, de test. & ibi*



ibi Abb. & Covar. in c. conquesti, num: 5. ver. 7.

Secundò, causa matrimonialis non potest compromitti laicis, ca. penul de in integ. rest. gl. in ca. de consang. & affinit. imò Con. de sponsal. 2. par. ca. 8. §: ult. num. 2. in fine, dubitat quòd nec potest compromitti in clericum ex vi compromissi, quando agitur de fœdere matrimonij.

Tertiò, in causa electionis potest compromitti in unum tantum, ita Gem. in c. sicut, cum vers. quæro quòd, & in ca. si cui, notab. 1. de elect. lib. 6. & licet etiam in præsentatione, quia electio & præsentatio in hac pari passu ambulant, prout dictum est in 1. p. in vers. intrusus.

### CONTUMACIA.

**P**ropter contumaciam, quilibet in re etiam levi contingentem, potest excommunicari, gl. in ca. duo, 96. dist. Panor. in ca. 1. de iud. & ibi Ripa n. 29. & est communis, prout Cov. in c. alma mater, 1. par. §. 9. n. 3. Ratio est quia citatus, & non comparens contemnit, & fit inobediens. D. Tho. 2. 2. q. 105. art. 1. & sic, quando citatur aliquis à iudice ecclesiastico etiam in re levi, si non comparet, potest excommunicari, tanquam inobediens, quia videtur contemnere.

### CESSIO BONORUM.

**D**ubium est, an cedens bonis teneatur ad restitutionem si perveniat ad pinguiorem fortunam? Respon-

detur succinctè primò, quòd quando cessio fit cum ignominia, non tenetur: secundò, quando fit sine ignominia, dat juratoriam cautionem, de solvendo, si pervenerit ad meliorem frugem; tertio, ad id tenetur in utroque foro: quartò, non tamen tantum quantum debebat unicuique, etiam si ad pinguis simam pervenit facultatem, quia illa cessio debet ei aliquid relevare: quinto, semper solutio, & restitutio debet fieri, remanente ei aliquo sufficienti ad vitam sustentandam decenter, ista habes communiter, glo. in c. Odoard. in ver. ad pinguiorem, de solut: & ibi Host. & in Sum. tit. de cess. bon. Cov. l. 2. c. 1. n. 6. var. Azo. in Sum. l. 7. Codicis rub. 71. & si fuisset excommunicatus propter debitum facta cessio debet statim absolvi, Sylvest. in ver. cedere.

### CONCILIUM.

**P**rimò, an abbates, præpositi, & alij, etiam usum mitræ habentes, debeant præcedere capitulum in synodo provinciali, vel diocesana?

Respondetur decisivè, quòd non, quoniam capitulum præcedit collegialiter, id est, simul prout in choro, processione, & assistendo suo prælato, ita Io. de Selua tract. de benef. 1. p. q. 2. nu. 51. ex Gem. in cap. statutum, in prin. de rescrip. lib. 6. & in cap. quamvis, in princ. in §. quamquam in 3. notab. de presbyt. eod. lib. & ita fuit decisum in factò in Synodo diocesana Neapolitana celebrata sub Card. Alphòso Carafa sub an. 1565. die 9. Feb. f. 60. & etiã fuit respon-